



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXII.

12. Martij. 4. Idus.

urn:nbn:de:hbz:466:1-45295

178 ANNI CISTERCIENS.

Lectio
sacra.

tutum, quàm doctrinæ famâ inclytus,
ad sanctorum in cœlo consortium as-
sumptus es. *Sonet ex ore tuo in auribus
meis vox illa celestis, quæ primo Legisla-
tori tuo fuit conversionis initium & stimu-
lus: Tolle, lege. Legam nimirum cum
profectus maiore in dies incremento, san-
ctorum Historias: neque alio fine, quàm
ut ex ijs legam, eligam, imò sternam mihi
viam ad eorundem beatitudinem.*

S. BERNARDUS, ser. 22. in Cant.

Histo-
ria furti
hortus.

*Historiam ad hortum, puto, non im-
merito deputavi: quòd in ea inveni-
antur viri virtutum, tanquam li-
gna fructifera in horto Sponsi, & in
paradiso Dei: de quorum bonis acti-
bus ac moribus, quot sumis exempla,
tot carpis poma.*



12. Martij. 4. Idus.

Obijt
circa
annum
1380.

B. BERNARDE, monache Archi-
cœnobij Cisterciensis: quod mul-
tis annis tuorum operum sanctitate,
& strictissimâ traditionum paterna-
rum observantiâ, ut prima vo spi-
ritus

ritu ardens lucerna, illustrâsti. Nec ardere simul ac lucere desijisti; donec austeritas, absumpto vitali calore, vitæ mortalis lampadem extinxerit. *Studeam & ego esse lucerna: ab iciam opera te nebrarum, & induam arma lucis. Sint cogitationes & opera mea ubique talia, ut ea in publicum prodici non formidem: memor illius magnæ diei, qua coram Iudice Deo intima cordis arcana proferentur in lucem.*

B. GREGORI: qui in Asceterio Villariensi tantopere solitudinem amabas; ut ne oculos quidem extra mœnia emitteres: multo minùs cum homine sæculari colloquereris: ipsas deniq; cogitationes ita circumscripsisti, ut rebus transitorijs nunquam occuparentur. Prioris officio fungens, solo exemplo usus es ad persuadendam tibi commissis virtutem. Letali tandem morbo correptus, in ipso agone lætambundus exclamâsti: *Video salutem meam!* Quæ verba fuere præsentis vitæ felicissimus finis, & initium futuræ. *Utinam cor meum, & caro mea exultent in Deum vivum! Tu, ô beate, averte oculos meos, ne videant vanitatem: sed videam tantummodo salutem meam, id est, salvatorem meum: hunc solum intuear, & per ejus sanctissima vestigia sequar.*

Opera
lucem
non ti-
meant.

Floruit
Circa
annum
1271.

Mors
lata.

Chri-
stus so-
lus præ
oculis
habed°.

Com-
patien-
dum est
conre-
gnare
volēti.

Quam pauci post te, Domine Jesu
ire volunt! cum tamen ad te perve-
nire, nemo sit, qui nolit. Hoc scien-
tibus cunctis: quia delectationes in
dextera tua usq; in finem. Et pro-
pterea volunt omnes te frui, at non
imitari: conregnare cupiunt, sed non
compati.



13. Martij. 3. Idus.

Passus
anno
1536.

B. GUILIELME Hadoc, monaste-
rij Wallensis in Anglia virtuose af-
ceta: qui verè expertus es, Insulam il-
lam in ferocissimo fluctuare oceano:
dum ab hæreticis comprehensus, pri-
mò Syrenum, te lenocinijs pervertere
conantium cantus, inde tormento-
rum charybdes, fortissimè superâsti.
Vices columnarum Herculis, Crux im-
plevit: in qua suspensus, & dilaniatus,
ostendisti, plus ultra tyrannidis sæviti-
am habere roboris, Patientiam Chri-
stianam. Sunt & mihi positæ duæ for-
midabiles Herculis columnæ: Mors, & Ju-
dicium: ah ora, ne ibi naufragium patiar.
B.